



Broj:564/26

Datum: 06.04.2026. godine

Na osnovu člana 64. stav (1) tačka b), člana 25., člana 70. stav (1), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, na Preporuku Komisije za provođenje postupka javne nabavke broj: 560/26 od 03.04.2026. godine, direktor JP „LOKOM“ d.o.o. Sarajevo, **d o n o s i**

O D L U K U **O IZBORU NAJPOVOLJNIJEG PONUĐAČA**

Član 1.

Prihvata se preporuka Komisije za nabavku broj: 560/26 od 03.04.2026. godine, i ugovor za nabavku, isporuku, instalaciju i puštanje u rad sistema naplate parking prostora na bazenu Dobrinja dodjeljuje se ponuđaču ARGON SISTEMI d.o.o. Sarajevo, sa sjedištem u Sarajevu, Braće Mulića br. 13, za ponudenu cijenu od 59.990,00 KM bez PDV-a, odnosno 70.188,30 KM sa PDV-om.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama, budući da su isti dostavljeni uz ponudu u skladu sa zahtjevima tenderske dokumentacije.

Član 3.

Prijedlog ugovora o nabavci dostaviće se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 5.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o ž e n j e

Postupak javne nabavke, pokrenut je Odlukom o pokretanju postupka javne nabavke broj: 360/26 od 10.03.2026. godine. Nabavka je provedena putem otvorenog postupka.

Ukupna procijenjena vrijednost javne nabavke iznosi 60.000,00 KM bez PDV-a. Postupak nije podijeljen na lotove jer se radi o cjelovitoj nabavci.

Obavještenje o nabavci i tenderska dokumentacija su objavljeni na Portalu javnih nabavki dana 10.03.2026. godine u 14:13 sati pod brojem: 269-1-1-16-3-48/26, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 20/26 objavljeno dana 13.03.2026. godine. Ispravka obavještenja o nabavci br. 269-1-1-16-8-49/25 objavljena dana 17.03.2026. godine u 14:17 sati, u „Službenom glasniku BiH“ broj: 22/26 objavljeno dana: 23.03.2026. godina.

Komisija za provođenje postupka javne nabavke imenovana je Odlukom broj: 491/26 od 25.03.2026. godine.

Protekom zakonskog roka za dostavljanje ponuda, Zapisnikom o prijemu ponuda, broj: 548/26 od 01.04.2026. godine i Zapisnikom o otvaranju ponuda, broj: 549/26 od 01.04.2026. godine,



konstatovano je, da su blagovremeno zaprimljene 2 (dvije) ponude, i to ponuđača: ARGON SISTEMI d.o.o. Sarajevo i LANACO d.o.o. Banja Luka, te da nije bilo neblagovremenih ponuda.

Nadalje, u skladu sa članom 65. Zakona o javnim nabavkama, Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, kojim je utvrdila da je ponuda ponuđača ARGON SISTEMI d.o.o. Sarajevo prihvatljiva, odnosno da ponuda ispunjava kvalifikacione i formalno-pravne uslove tražene u tenderskoj dokumentaciji i ista je u okviru procijenjene vrijednosti, a da je ponuda ponuđača LANACO d.o.o. Banja Luka neprihvatljiva. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je izvršila provjeru računске ispravnosti kvalifikovane ponude ponuđača ARGON SISTEMI d.o.o. Sarajevo, te konstatovala da u ponudi nisu uočene računске greške.

U okviru svojih nadležnosti i ovlaštenja u postupku pregleda, ocjene i analize pristiglih ponuda, Komisija za nabavke je ponudu ponuđača LANACO d.o.o. Banja Luka odbacila iz sljedećih razloga:

Uvidom u ponudu ponuđača LANACO d.o.o. Banja Luka, Komisija je utvrdila da ista nije u skladu sa zahtjevima tenderske dokumentacije. Naime, tačkom 3.4.2. stav b) tenderske dokumentacije jasno je propisano da su, u svrhu ocjene tehničke i profesionalne sposobnosti, ponuđači dužni dostaviti sljedeće dokaze: „Kopije data sheet-ova proizvođača (tehnički dokumenti koje izdaje proizvođač za određeni proizvod ili komponentu) za komponente sistema pod rednim brojem: 2, 3, 4, 5, 6, 8 i 9 iz Obrasca za cijenu ponude – Aneks II, kojima se dokazuje da tražena oprema zadovoljava tražene kriterije, odnosno iz kojih se može potvrditi da ponuđena oprema odgovara traženom.“

Ponuđač je kao dokaz za stavku pod rednim brojem 5. iz Obrasca za cijenu ponude – Aneks II - Parking korisnički sistem/operater dostavio dokument sa tehničkim karakteristikama izdat od strane uvoznika, privrednog društva „SMART BOX“ d.o.o., sačinjen na memorandumu navedenog društva.

Dostavljeni dokument se ne može smatrati traženim dokazom, s obzirom na to da isti nije izdat od strane proizvođača, kako je to izričito zahtijevano tenderskom dokumentacijom, niti isti predstavlja zvaničnu tehničku dokumentaciju proizvođača.

Ponuđač je kao dokaz za stavku pod rednim brojem 8. iz Obrasca za cijenu ponude – Aneks II - LPR Kamera dostavio dokument sa tehničkim karakteristikama izdat od strane uvoznika, privrednog društva „SMART BOX“ d.o.o., sačinjen na memorandumu navedenog društva.

Dostavljeni dokument se ne može smatrati traženim dokazom, s obzirom na to da isti nije izdat od strane proizvođača, kako je to izričito zahtijevano tenderskom dokumentacijom, niti isti predstavlja zvaničnu tehničku dokumentaciju proizvođača. Uvidom u ponuđenu opremu, Komisija je konstatovala da je ponuđena kamera Dahua ITC413-PW4D-IZ1 IR, a čiji proizvođač je Dahua (Zhejiang Dahua Technology), zemlja porijekla Kina.

Ponuđač je kao dokaz za stavku pod rednim brojem 9. iz Obrasca za cijenu ponude – Aneks II - IP telefon dostavio dokument sa tehničkim karakteristikama izdat od strane uvoznika, privrednog društva „SMART BOX“ d.o.o., sačinjen na memorandumu navedenog društva. Dostavljeni dokument se ne može smatrati traženim dokazom, s obzirom na to da isti nije izdat od strane proizvođača, kako je to izričito zahtijevano tenderskom dokumentacijom, niti isti predstavlja zvaničnu tehničku dokumentaciju proizvođača. Uvidom u ponuđenu opremu, Komisija je konstatovala da je ponuđen telefon IP telefon Fanvil V67, a čiji proizvođač je Fanvil Technology, zemlja porijekla Kina.

Nadalje, Komisija je izvršila pregled tehničke dokumentacije za stavku pod rednim brojem 6. – Automatski naplatni uređaj. Tenderskom dokumentacijom su propisane minimalne tehničke karakteristike, uključujući radnu temperaturu: -20°C do 55°C. Ponuđač je ponudio opremu, automatski naplatni uređaj, sa radnom temperaturom -20°C do 50°C, što ne zadovoljava minimalne tehničke kriterije propisane tenderskom dokumentacijom.

Slijedom prethodno navedenog, a u skladu sa članom 2. stav (1) tačka l) alineja 2) Zakona o javnim nabavkama, ponuda ponuđača LANACO d.o.o. Banja Luka je odbačena kao neprihvatljiva, jer ponuda ne ispunjava kriterije za kvalifikaciju privrednog subjekta.

Tenderskom dokumentacijom u tački 4.13. predviđeno je provođenje e-Aukcije, te je Komisija u skladu sa članom 64. stav (1) tačka b) Zakona o javnim nabavkama („Službeni Glasnik BiH“ br. 39/14, 59/22 i 50/24), odnosno primjenom kriterija „najniža cijena“ i Pravilnika o uslovima i načinu



korištenja e-Aukcije („Službeni glasnik BiH“, broj 80/23), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Shodno naprijed navedenom Komisija je, u skladu sa članom 64. stav (1) tačka b) Zakona, izvršila rangiranje prihvatljivih ponuda, i to kako slijedi:

1. ARGON SISTEMI d.o.o. Sarajevo sa cijenom od 59.990,00 KM bez PDV-a.

Uvidom u priloženu dokumentaciju nesporno je da je ponuda ponuđača ARGON SISTEMI d.o.o. Sarajevo prvorangirana, sa ponuđenom ukupnom cijenom od 59.990,00 KM bez PDV-a.

U predmetnom postupku javne nabavke, Komisija je direktoru preduzeća dostavila: Zapisnik o pregledu i ocjeni ponuda, broj: 559/26 od 03.04.2026. godine, Preporuku o izboru najpovoljnijeg ponuđača, broj: 560/26 od 03.04.2026. godine i Izvještaj o radu, broj: 561/26 od 03.04.2026. godine.

Na osnovu navedenog, Komisija za javne nabavke dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača – ARGON SISTEMI d.o.o. Sarajevo – u predmetnom postupku javne nabavke.

Prilikom ocjene provedenog postupka, ugovorni organ nije uočio razloge, nepravilnosti niti propuste u radu koji bi bili osnov za neprihvatanje preporuke Komisije.


Naime, u postupku je utvrđeno da je Komisija pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

JP "LOKOM" d.o.o. Sarajevo
Direktor
Edin Čano



Dostaviti:

1. ARGON SISTEMI d.o.o. Sarajevo,
2. LANACO d.o.o. Banja Luka,
3. Službena stranica Preduzeća,
4. Komisija za javne nabavke,
5. U spis predmetne nabavke,
6. a/a.